



Broj: 13-11-4-7746/25
Sarajevo, 16.10.2025. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinska načelnica d o n o s i

ODLUKU o poništenju postupka javne nabavke

I

Poništava se postupak javne nabavke „Laboratorijska ispitivanja za potrebe vanjske kontrole prilikom izvođenja radova“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka, a pokrenut je na osnovu Odluke Općinske načelnice broj: 13-11-4-7746/25 od 27.08.2025. godine.

Procijenjena vrijednost javne nabavke sa PDV-om je: 15.000,00 KM (slovima: petnaest hiljada i 00/100 konvertibilnih maraka).

Obavještenje o javnoj nabavci broj: 935-1-2-162-3-236/25 objavljeno je na Portalu javnih nabavki dana 19.09.2025. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-30-5-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda vidljivo je da je do dana 09.10.2025. godine, pristigla ponuda sljedećeg ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	SAC TESTING & CONSULTING d.o.o. Sarajevo	14.997,06 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

procedurama utvrđenim tenderskom dokumentacijom, Zakonom i podzakonskim aktima, te je konstatovala sljedeće:

Ponudu ponuđača SAC TESTING & CONSULTING d.o.o. Sarajevo Komisija je ocijenila kao **neprihvaljivu** iz sljedećih razloga:

Tenderskom dokumentacijom u tački 7.4.1. b) zahtijevano je: „*Da ponuđač ima u stalnom radnom odnosu sa punim radnim vremenom (ili će angažovati za potrebe realizacije ugovora) najmanje:*

- *jednog diplomiranog inženjera građevine (minimalno 240 ETCS bodova) sa položenim stručnim ispitom.*
- *dva građevinska tehničara (SSS).*“

U cilju ispunjavanja navedenog uslova ponuđači su bili dužni dostaviti sljedeće:

„*Izjava ponuđača da u stalnom radnom odnosu sa punim radnim vremenom ima (ili će angažovati za potrebe realizacije ugovora) najmanje:*

- *jednog diplomiranog inženjera građevine (minimalno 240 ETCS bodova) sa položenim stručnim ispitom.*
- *dva građevinska tehničara (SSS).* **(Dokument 5).**

NAPOMENA: Uz Izjavu dostaviti ovjerenu kopiju diplome (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine), ovjerenu kopiju uvjerenja o položenom stručnom ispitu za jednog diplomiranog inženjera građevine, kao i ovjerenu kopiju diploma srednje škole za dva građevinska tehničara. **(Dokument 6,7,8)**“

Ponuđač SAC TESTING & CONSULTING d.o.o. Sarajevo je za lice imenovano u Izjavi **(Dokument 5)** – Damira Peštelica, dostavio sljedeće:

- Diplom o završenom studiju za sticanje visoke školske spreme za diplomiranog inženjera građevinarstva, izdatu od strane Rudarsko-geološko-građevinskog fakulteta u Tuzli;
- Licencu za izvođenje građevinskih radova i nadzor izdatu od strane Ministarstva za prostorno uređenje, građevinarstvo i ekologiju Republike Srpske.

Isti je propustio da dostavi ovjerenu kopiju uvjerenja o položenom stručnom ispitu za imenovano lice.

Iz naprijed navedenih razloga, ponuda ponuđača SAC TESTING & CONSULTING d.o.o. Sarajevo se nije mogla uzeti u dalje razmatranje.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana člana 69. stav (2) tačka d) Zakona o javnim nabavkama donese Odluku o poništenju postupka javne nabavke, jer nijedna od primljenih ponuda nije prihvatljiva.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole

i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



OPĆINSKA NAČELNICA

Prof. dr. Benjamina Karić

DOSTAVLJENO:

- SAC TESTING & CONSULTING d.o.o. Sarajevo



Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove
tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



